

Yowane yona leta helabuina

Buka ta hededehe masalahana

Leta ta Yowane ye kuli, iya apostolo yo Yesu yona hekahekatao hesau. Huyakulina nuwana gonogonowana doha yona leta bagubagunana wa, bolimai 85 yo 95 AD luwadiyena.

Teina leta ta unai Yowane ekalesiya ye hededehesi-basibadi bena se haigadogadosisi'uyoidi na se tolobayao sunuma unai. Yo ye guguyaidi tabu taulauhekatalupolupo se yogaisinidi na se saguidi.

¹ Leta ta tauwoyawoya unai ye laowa sinebada kaikaisunuwaina yo natunao kalimiuyena.** Ya gadosisikaliliyeigomiu, na nige yau ya bom mo, na hinage kaiteyadi hedehedede mamohoina** kabina se kata, meta se gadosisiyeigomiu. ² Ka gadosisiyeigomiu matawuwuna hedehedede mamohoina ye miya nuwadaena mayadai ta unai yo ye miya nige kana siga.

³ Yaubada Tamana yo iya Natuna Yesu Keliso yodi kabinamwa, katekamkamna, yo nuwadaumwali kabo se miya kalidaena, maiyadi hedehedede mamohoina yo gadosisi.

⁴ Ya gwaualakalili matawuwuna natumwao hekadiyo ya lobaidi hedehedede mamohoinaena se miyamiya, doha Tamada ye guguyaida. ⁵ Na sinebada, mayadai ta unai

** **1:1:** Yowane hedehedede wadawadama ye hepaisowa. Sinebada kaikaisunuwaina meta dubu Yaubada ye kaisunuwai wa, na natunao ede dubu tamowaidiyao. **

1:1: Hedehedede mamohoinameta ewaneliya o wasa namwanamwana o Yaubada wasana. Huyana Yowane buka ta ye kuli meta kalina Giliki unai ye kuli, na kalina ne unai se kuli mamohoi, na nige se kulihemasalaha bena hedehedede mamohoina o tamowai mamohoina o Yaubada mamohoina o saha hesau mamohoina.

ya kaibwadaigo bena ta haigadogadosisi'uyoida. Teina nige laugagayo hauhauna ya kuliyawa kalimyena; laugagayona ne nabada wa unai ta lapuiyako. ⁶ Gadosisi ta kaniyona ede Yaubada yona laugagayo bena ta kawakabiyeidi yoda laulau maudoidi udiyedi. Laugagayona ede huya bagubagunana unai kwa lapuiyako, meta gadosisiyena kwa laulau. ⁷ Yogu hedehedede ta kaniyona ede taukailupolupo gwaudi se laoko tanoubu tehana maudoidi udiyedi, na se hedede meta Yesu Keliso iya nige buluma unai ye laoma. Tamowaidi ne, siya taukailupolupo yo Keliso tauhewahewaiununa. ⁸ Kwa kitanamwanamwa, madai yoda paisowa maisana kwa palei, na bena yomi kainauya maudoina kwa haihegehe. ⁹ Kaiteya Keliso wasana lauhekata na ye dikwai na nige unai ye miya, meta nige Yaubada ye hai. Na kaiteya lauhekata ne unai ye miya meta Tamana yo Natuna ye haidiko iya kalinawai. ¹⁰ Ena tamowai hesau ye laowa kalimiuwai, na nige lauhekata dudulaina ne ye baheiyawa, tabu ku woyawoyasaei yom numaena yo tabu ku laulautokiyei. ¹¹ Matawuwuna ede ena kaiteya ye hailobai meta iya yona paisowa yabayababana ne unai tauhaisagusagu.

¹² Ginauli se bado bena yomiu ya hedehedede, na nige ya henuwa bena kulikuli unai. Na yogu nuwatu ede bena ya kaitaumaigomiu na ta kitakita'uyoida na yoda ta hedehedede, to bena gwayala lakilakina kalidaena.

¹³ Kam kaha kaikaisunuwaina natunao yodi lautoki se hetamalidiwa.

Yaubada wasana: Buka Hauhauna tupwana
The Message about God: The New Testament in the Saliba
language of Papua New Guinea
Nupela Testamen long tokples Saliba long Niugini

copyright © 2007, 2013, 2017, 2021 Wycliffe Bible Translators, Inc.

© Wycliffe Bible Translators, Inc.

Language: Saliba

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2021-07-19

PDF generated using Haiola and XeLaTeX on 19 Oct 2021 from source files dated 14 Jul 2021

a38b418f-b400-5c73-b231-ea8af9b0924a